

გამოცემის 54-ე წელი, (№ 1500). პაიტი. 1977. ჟანი 20 კაპიტი.



— ამხანაგებო! ვინაიდან ერთმანეთს ვეღარ ვხედავთ, საყაროო
თათბირი დამთავრებულია!

„ქართული ჟურნალი“

„დაბადება“

შანგაი არაკი და სტატიის იწერება მფრინავი თევზების შესახებ. ერთ დროს ადამიანების გარკვეული ნაწილი ისეთ მდგომარეობაში ჩავარდა, რომ თავისი აზროვნება „თევზებზე“ დაალაგა და აქა-იქ აფრიალა. აყო თავპირდაღწევი კამათი, დაფრინავენ თევზები, თუ არა. მაგალითად, კახეთში გაკვირდნენ: რაო, თევზები ხაშლამით დაფრინავენ? ქუთაისში, თევზის ფრენა კი არა, სერვიზის ფრენა უნახავთ. რაჭიდან კი წერილი წერილზე მოდის, საწყობებიდან მიფრინავენ საუზმისა და სადილის თევზები და ვერაფრით ვერ ვახერხებთ მათ ხელში ჩავადებას.

მფრინავი თევზის საოპერაციო-ტექნიკურმა მონაცემებმა იმდენად დაინტერესა ნიანგი, რომ სარედაქციო კოლეგიის ხარჯებით ააგო თევზის კონსტრუქციისმაგვარი ხომალდი „საინ-1“. „საინ-1“ არავითარ მწვანე სითხეს არ ტოვებს, ის ლურჯი მელნით იკვლევს გზას ქაღალდის ფურცლებზე. დანარჩენი მონაცემები ისეთივე აქვს, როგორც მფრინავი თევზებს. „საინ-1“-მა იქს დღეს, იგრეკ საათსა და ბიჭა წუთზე წარმატებით გაიარა სატირულ-იუმორისტული გამოცდა და გავიდა ფელიტონის ორბიტაზე.

პერიგაზა—„დაიბნინანს, ჯერ არსად ჩანან...“

საინ-1-ის შეპირაპირება სიღნაღის რაიონის წნორის მსხვილფეხა რქოსანი პირუტყვის გამოსაზრდელ-სასუქებელ სპეციალიზებულ კომპლექსთან ლოგოკური იყო, რადგანაც „საინ-1“-ის პროფილი თევზ-საინებზე ხორცის დალაგებაა. ხორცი კი თევზებზე მაშინ დალაგდება, როცა წნორის მეცხოველეობის კომპლექსი დროულად დასრულდება. ხომალდის აპარატურამ ფილიგრანული სიზუსტით გამოიკვლია, რომ წნორის მეცხოველეობის კომპლექსი უნდა დამთავრებულიყო 1976 წლისათვის. ახლა კი 1977 წლის მაისია და მაინც მშენებლობის პროექსშია.

„საკვაჭმელიორაციის“ წნორის მშენებლობის სამმართველომ მხოლოდ 2568 ჰექტარი მიწის განმარლიანება შესძლო, გეგმა კი 8600 ჰექტარია, სადაც შეიქმნებოდა პირუტყვის საკვების უზარმაზარი ბაზა. სხვადასხვა ზომის ფოლადის მილების უქონლობამ სამუშაოები ჩამოაჩინა. ამაში მართო მშენებლები არა სკოლავენ, ტყუილან ისინიც, ვინც ფონდირებული მილების შემოტანას დაჰპირდნენ.

ალაზნის ველის დამარილებულ მიწებს განმარლიანება სჭირდება! მერე? მერე კი ამ მიწებზე მეხორციული ჯიშის პირუტყვი უნდა გაემრავლებინათ, მაგრამ სადა ჩანს ჯიშისანი პირუტყვი? ამაზე უნდა ეფიქრათ საქ. სსრ სოფლის მეურნეობის, ხორცისა და რძის მრეწველობის სამინისტროებს და დროულად უნდა უზრუნველყოთ ჯიშისანი პირუტყვის შემოყვანა, ან მისი მოშენება, სათანადო კვლევითი ინსტიტუტებისა თუ სხვა დაწესებულებების დახმარებით. როგორც აღვნიშნეთ, კომპლექსის მშენებლობა 1972 წელს დაიწყო, ახლა კი 1977 წელია ამ ხანში ჩვენს მეცნიერები მამონტის ჯიშის ძროხებს მიიღებდნენ. (ხომ გაგიგიათ, „თუ გული გულობსო“...)

ამჟამად, წნორის მეცხოველეობის კომპლექსს ჰყავს 1200 სული მეხორციული ჯიშის ძროხა. განმარლიანებული მიწები კი საშუალებას იძლევა ჰყავდეთ 7500 ჯიშისანი პირუტყვი. სოფლის მეურნეობის სამინისტრო წნორელებს ჰპირდება, რომ 1977 წლიდან მათთვის გამოყოფილია საკმაო რაოდენობის ჯიშისანი პირუტყვი.

„ღმერთმა ჰქნას, ტყუიბი მოიგოს“, — თქვენს წნორელებმა.

ენამთის უნეობის აკოგა


წნორის მეცხოველეობის კომპლექსი ძირითადად გაშენებულია ენამთაზე. ამ ადგილისათვის ხალხს ენამთა იმტომ უწოდებია, რომ მთა გაგრძელებულია მოქლეისილი კაცის ენასავით. ენამთის კომპლექსის მშენებლობას აწარმოებს სასოფლო მშენებლობის სამინისტროს გურჯაანის № 4 ტრესტის წნორის მოძრავი მექანიზებული კოლონა № 6, რომელსაც 1977 წლის დამდევისათვის უნდა შეეკრულიყვნენ 7.600.000 მანეთის სამუშაოები, ფაქტობრივად კი შეასრულა 7 მილიონი მანეთისა. მათაც ეჩენებათ გეგმის შეუსრულებლობის არგუმენტები: ესაო, ისაო!.. მაგ-

რამ საინტერესოა „ისა“, № 6 კოლონა მშენებლობის უზარისხობის გასამართლებლად რა არგუმენტებს მოიტანს, და თუ მოიტანს, მათი აზრი გაბათილდება საკვებურის ენლებით, რომელიც მსხვილ სამშენებლო ფრაქციით არის ნაშენი და ერთიანად დანასერეკებულია!

ველის გარეთ გამოტანილი გათბობის რადიატორის მილი ყველას აფიქრებინებს, მეცხოველეობის კომპლექსში ულტრამოდის წყარო აუშენებიათო. თურმე ნუ იტყვიო, წყარო კი არა, ვეტპუნქტის შენიდა ყოფილა. ნეტავი მშენებლებმა ავიხსნან, ოთახის გარეთ, ღია ცის ქვეშ რატომ არის გამოტანილი (გრემლდადენილი მილი. ალბათ, შენობის დასასულილად. აბა, სხვა სიკეთეზე ფიქრიც ზედმეტია!

მეცხოველეობის კომპლექსის მშენებლობის დაწყებამდე გეოლოგებს ფიქიც არ დაუსველებიათ ენამთის ატმოსფერულ-გეოლოგიურ წყლებში, არ გაუხსნავთ მისი დებიტი. ჰოდა, ამიტომაც სენაჟის ორმოებს შორის გამყოფი კედლები ძირგახვერტილი ტანკებით იძირებიან გეოლოგიური წყლების სიუხვემ, ლამის არის, პირთამდე გაავსოს „ნორის“ ბუნკერი. თუმცა დაუპატივებელ წყალს ფოლადის ფილებით იკავენ, მაგრამ ეს არ შველის, წყალი მაინც ეონავს... ფაქტია წინაშე მდგარი პროექტის ავტორები უკან იხევენ, სადრეინაჟო არჩებს გეგ-

ნახ. ბ. შირცხალაშანი



— გონოვთ, სადგამები, შანქრები, ფუნჯები და ჯიბის დანები აქ დატოვოთ!

მავენ, ალბათ, თავს ინუგეშებენ — „სჯობს გვიან, ვიდრე არასოდეს“.

ენამთაზე აშენებულია პირუტყვის ორი სადგომი, რომელთა სიგრძე ათასი მეტრია. იგი გადახურულია ვანტური წესით, ახუ ძელებზე დაქიმული ლითონის ბაგირის კონსტრუქციით, რაზეც გაწყობილია შიფერი. ამგვარი გადახურვა უნიკალურად ითვლება. როდესაც ვანტური წესით გადახურეს სადგომები, ამოვარდა ქარაშხალი და ორი ათასი კვადრატული მეტრი შიფერი მფრინავი თევზებით ჰაერში აფრიალა. გამოდის, რომ ენამთის მეტეოროლოგია, ფარდულის ვანტური კონსტრუქცია და გადახურვის ხარისხი ერთმანეთს არ შეესაბამებოდა. ამაზე ექვი იმტომ იბადება, რომ ახლომასლო მდებარე სხვა შენობების გადახურვა გადარჩენილია.

ჩვენ უამრავი მაგალითი გვაქვს სტიქიის მოულოდნელობაზე. ჰოდა, კონსტრუქტორებს, მეტეოროლოგებსა და ყველას, ვისაც ეს ეხება, უნდა გაეთვალისწინებინათ, რომ ენამთის ქარი ენას, როგორც მოესურებოდა, ისე დაატრიალებდა.

ქარიშხალმა არც მათალი ძაბვის დონდლოდ დასმული რკინა-ბეტონის ბოძები დაინდო და მიწაზე ლითი კაცებით მიაწვინა. ამბობენ, რკინა-ბეტონის ბოძები მაღალ ძაბვას უძლებდნო. ნეტავი, მართალი გამოდგარაო!

ერთი კი ფაქტია: ასეთი უნიკალური მშენებლობის დროს პროექტის ავტორებს უნდა დაეგემათ ქარსაცავი ზოლები, ან არადა, აეგოთ ქარის წისქვილები, გრიგალის ენერჯის მაინც გამოიყენებდნენ.

COLORADO-ს „სომო“

წნორის მეცხოველეობის კომპლექსის მანქანა-დანადგარები შეყვანილია ამერიკის შეერთებული შტატებიდან, კერძოდ „კორპორაციის“ კოლორადო-აიტო“-დან.

არის ასეთი აზრი: „მანქანა-დანადგარების მონტაჟი შესრულებულია პროფესიული დონით, თუმცა ზოგიერთ დანადგარს ვერ შეუხარულებია თავისი მოვალეობა და ამერიკელ სპეციალისტებს იგი გადაუყვებიათ. ამის მაგალითია სასილოს ბუნკერის ტრანსპორტიორის გარსაცემის შემოღობვა, — იმის გამო, რომ სენაჟისგან იქვლებოდა ტრანსპორტიორის ღვიფი. უაზროდ გადმოყრილი სენაჟი ქარსგან იფანტება, სა-მაგიეროდ ტრანსპორტიორი მუშაობს. კარგი იქნებოდა, რომ ამ ხერხით მიღებული ეკონომიის გარკვეული პროცენტი გადაეგზავნათ იმ ამერიკელი სპეციალისტებისათვის, რომლებმაც დანადგარის დამახინჯება მოისაზრეს.


ქიზიყური ქარი ამერიკული ფორმის ბუნკერ BVTLER-ს შეერკინა და თავი შეებრიცა. საინტერესოა, ზვიდან ჩამოკონწილებულმა საკვების მიმწოდებელმა მიღმა შეებრიცა, თუ ქარიშხლის სიძლიერემ? ერთი კი ცნობილია: სხვა ბუნკერები გრიგალს გადაურჩნენ, რადგანაც მის ზონაში არ მოხდნენ. აი, ქარსაფარი რომ ყოფილიყო, ხომ არ დაზიანდებოდა ვალუტაზე შეძენილი დანადგარი?!

როგორც ჩანს, ამერიკელ სპეციალისტებს მთლად ჰქვიდან გადასარევი მანქანა-დანადგარების მონტაჟი არ ჩაუტარებიათ, არც ტექნიკის უკანასკნელი სიტყვა უთქვამთ. მსხვილტონიერ ქიზიყილებს ეს არ გამოჰპარავიათ და ამერიკელებისთვის უთქვამთ: „ამ დანადგარებს თქვენ თვითონ რატომ აღარ ხმარობთ?!“

„საინ-1“-ის კვლევის აპარატებმა გაინგარიშეს, რომ ახლო მომავალში წნორის მეცხოველეობის კომპლექსის მშენებლობის ხარვეზები გამოსწორდება, დამთავრდება გეგმით გათვალისწინებული ნაგებობანი და სრულად შევა ექსპლოატაციაში, საქართველოს არაეგეტარია-ნელებს კი დიდი თევზებით გამოუგზავნიან ენამთის ხაშლამა.

ქიზიყილებო, თქვენი იმიდი ნუ მოგეშალოს!

აკთანდილ აღისივი



— ცხარე ხინკალმა კატირა?
— არა, გაახსენდა, წინათ რა კარგ ხინკალს ვჭამდით!

უსცენარო სცენარი

იხსენება ფარდა მოქმედების ადგილია მოქალაქეებით სავსე ქუჩა. მდინარესავით მოედინება ამღვრეული წყალი. მისი სათავედან ცოტა მოშორებით მთად დგას ექსკავატორის მიერ ამოღებული ასფალტი და აყალი მიწა. ამოთხრილი ორმოდან კაცის თავი მოჩანს. ორმოს გარშემო ხალხი შეგროვილა.

ტრესტის მმართველი: ქვევიდან ამოჰკარი, ბიჭო, ჩაქუჩი!

ტრესტის მთ. ინჟინერი: მარჯვენა მხრიდან ჩაუთხარე მიწა, თორემ, შეიძლება, კიდევ იყოს სადმე მილი გამსკლარი!

მმართველის მოადგილე: ძალაყინი უფრო მაგრად გადმოსწიე!

მთავარი მექანიკოსი: ხელით ნუ გადაზომავ დაზიანების ადგილს, ციფრები მიკარნახე და მე გამოვთვლი ტრიგონომეტრიულ სახაზავზე!

უსაფრთხოების ტექნიკის ინჟინერი: ჯერ სველი თითი დაადე, აქ ახლოს კაბელი გადის და ფაზა არ გადადიოდეს სადმე!

სამუშაოთა მწარმოებელი: დამიძახე, როდის ჩაერთოთ ტუმბო! წყლის ღონემ უცებ არ აიწიოს ორმოში, თორემ დაგახრჩობს!

ბრიგადირი: ცხვირით ისუნთქე! შეიძლება, გახსადენი მილი იყოს დაზიანებული და აირებმა არ გაგგუდოს!

ბრიგადირის მოადგილე: ჯერ ქლიბით გადახერხე მილი!

მუშა: მადროვეთ, ხალხო! რა გახდა ერთი პატარა მილის დაღუღება? თქვენ გისმინოთ, თუ საქმე ვაკეთო? აჰა, მოვრჩი კიდევ!

(ფარდა არ იხურება, ვინაიდან ტროსი დაზიანდა და თეატრის დირექტორის, მისი მოადგილის, მთავარი ადმინისტრატორის, მთავარი ბუღალტრის, უფროსი მოლარის, კადრების ინსპექტორის, ეკონომისტისა და სახალხო არტისტის ხელმძღვანელობით სცენის მუშა სასწრაფოდ არემონტებს მას.)

როლანდ ჯალალანი

სოფელი თუ გიყვარს

„სოფელში ხალხი მცირდება“ ვწერთ გულზე ცეცხლის მოღვრით... ვინაც ვწერთ, ყველა, უკლებლად, დედაქალაქში ვგროვდებით!..

სტრიქონს თუ ლექსად ავასხამთ, ნიჭით, ან რაღაც განგებით, ავიკრავთ გუდა-ნაბადსა, თბილისში გადავბარგდებით!

ფებს არ მოვიცვლით არასგზით, თუკი ჩავედით თბილისში! ყველანი ვრჩებით ქალაქში, ვრჩებით!.. დარჩენას ვინ გვიშლის?!

მთაწმინდას ვუასლოვდებით, ვიბუდებთ ჩიტის ბარტყევით, მერმე ლექსებით მოვდგებით, მშობლიურ სოფელს დავკირით!

გვგონია, კალმით, მელანით სოფლის სატყევეს მოვარჩენთ! ბევრი ვერ ვნახე მწურალი, მამის კერაზე რომ დარჩეს.

ხან აღარც გვასხოვს სოფელი და ბუხრის თბილი ნაცარი, შესასარ-შესადობელი, დასახნავ-დასაფარცხავი!

სტუმრად კი, ვაგინარია, ხშირად ჩავდივართ ნადიმზე, რთველს რომ ვუყურებთ ხვავიანს, ერთად ამოგვდის ასი მზე!

ვქეიფობთ, ვლხინობთ, ვზეიმობთ, ვლაღვდებით, ვიწყვეტთ აპურს, ვიმზადებთ სამუხეუმოდ ვუო-კარს, მამაპაპეულს!


ძმებო, თუ გვიყვარს სოფელი, გვიყვარდეს მისი ნაცარიც, შესასარ-შესადობელიც, დასახნავ-დასაფარცხავიც!

ნოდარ შამანაძე

გიურთკრატის ლაქსიკონი

- ⊙ ანკეპტა — ორფურცლიანი არ კმარა, ასფურცლიანია საჭირო.
- ⊙ ბაცემა — ჯერ მიღება.
- ⊙ ზედნადები — ქვედნადების შუანადები.
- ⊙ კრიტიკა კვიმოდან -- ცეცხლი ზემოდან.
- ⊙ მაგილა — მუშტის დასარტყმელი ადგილი.
- ⊙ ტელეფონი — მალეძარა სამსახურში.
- ⊙ მუხლი — საპანდურე იარაღი.

ნ. თქვენგაუზნებაძე



— შეხედე, რა კატიოსანი ქალია, შენსავით ქვეყანა კი არ შემუშუბებია, აიღო ღა, დამნაშავე ხატზე გადასცა!



— თანახმა ხართ დედამკვენი ცოლად გაყვივს ამ პატივცემული მოქალაქის მამას?



აიწონა, დაიწონა

ეს ამბავი ზღაპარსა ჰგავს და ვერავის გაუწყურებით, თუმცა, ერთ-ერთ უწყებაში, მოხდა საქმე ნაუწყები:

დაინიშნა თათბირები, მოხდა გაცვლა აზრებისა, დღის წესრიგით: „მორალური სახე ჩვენი კადრებისა“.

ბევრი ითქვა. ბოლოს, ერთი დაიხვიეს საქმე ხელზე. თქვეს პირდაპირ, მისამართით, სამმართველოს ხელმძღვანელზე.

რომ უფროსმა სამმართველო სულ პირწმინდად გაცალათ, ჯერ აგური გაასადა, მერე — ხე-ტყის მასალათ,

მაგრამ ფაქტი რომ არა გვაქვს მისი დანაშაულისო, რვეიზიამ შეამოწმა, არ დააკლდა შაურიცო!

ვიღაცამ თქვა, მოდი, საქმეს ნუ გავიხდით საშაროდო, რაკი უფროსს ვერას ვაკლებთ, სამმართველო დაგშალოთო,

იმ მმართველის სამმართველო გაუზარდოთ და გაგავრცელოთ და ერთ უბნად შევეურთოთ ამ მმართველის სამმართველო.


აზრი ყველას მოეწონა, მარტივი და გასაგები, დაიწერა ქაღალდები, ბარათები, პატაკები...

ზევით-ქვევით, ქვევით-ზევით, აიწონა, დაიწონა, ყველამ ვიზა უწყალობა, არავინ არ დაიწუნა.

დაიშალა სამმართველო, უმიზეზოდ დაისაჯა, ეს მმართველი შემცირდა და ის მმართველი გაიზარდა...

და შემცირდა, თქვენ გგონიათ? რადგან „საქმე“ იცის მთელი, იმ ძველ მმართველს მოადგილედ დაუნიშნეს ეს მმართველი!

დავით მკვლურცი



— ვალიკო, ვალიკო! — მამალივით ყიოდა დილაადრიან ეზოში ფოსტალიონი.

— დაყრუვდი, კაცო?! არ გესმის?! ადექი, ჩქარა, გაიხედე! — დამიღრიალა კოლმა.

ხმა არ ამოიღია, პიყამო გადავიცვი და გარეთ გამოვვარდი.

— ვალიკო, შენ ხარ? — უხეშად შემეკითხა ფოსტალიონი.

— ამდენი ხანია აქ ვცხოვრობ და, ჩემი სახელი ვერ ისწავლე?

— შე კაი კაცო, ქვეყანაზე რამდენი ვალიკოა, ყველა სად ცხოვრობს, რა ვიცი მე! — ცალყბად მიპასუხა ფოსტალიონმა, დაქმუნილი დეპეშა ხელში შემომჩაჩჩა და წავიდა.

„ბებია გარდაიცვალა ჩამოდით სასწრაფოდ“ — წავიკითხე.

„ვაიმე, ბებიავე! — წამოვიძახე და სახლში შევვარდი.“

— რა მოხდა, კაცო, რაშია საქმე?! — წამოიკვილა კოლმა და ლოგინიდან წამოფრინდა.

— ოხ, ოხ, ოხ, ოხ, ეს რა მომივიდა! — ვბუტბუტებდი ბაგეაცხცხებულნი.

— ხმა ამოიღე, შე დასადუმებელო, თორემ გავვიყდები და სკამს დაგამტვრევ თავზე!

იმ წუთში არც ცოლის გაგიყების შემშინებია, არც თავზე სკამის დამტვრევის, მაგრამ მის თვალებს რომ შევხიდე, გონს მოვედი და ჩავილულულე:

— ბებია მომკვდარა!

— რა მოხდა მერე, შე კაცო, სამოცდაექვსი წლის ქალი მოკვდებოდა, აბა რა!

— შენ რა გენაღვლება ჩემი გამზრდელი ბებია. — ჩავილაპარაკე და ტახტზე ნახევრად გულმეღონებული მივიხსენე.

— კარგი, კარგი, მთლად ნუ გასულელდი ამ ბოლო დროს! მოკვდა, თორემ დიდ რამეში გამოგვადგებოდა!

— დაანებე თავი, მკვდარზე მაინც ნუ იტყვი აუგს! — ვუთხარი იმ ჩემი ცოდვით საფსეს და ცრემლიანი თვალებით შევხედე.

— აბა, სჯობია ოხუკრას თავი დაანებო! ნახე, როდის ასაფლავებენ. მანამდე მე იქ ჩამსვლელი არა ვარ. კეთილი ინებონ შენმა ძმამ და რძალმა და ორგანიზაცია უყონ დასაფლავებას. ეს ქელეხები ქე მოშალეს, გადასახურავი რომ იყოს, კიდევ ღირდა, შემოსავლის ნახევარი მაინც დაგვრჩებოდა.

დეპეშა ამოვიღე და ისევ გადავიკითხე:

„ბებია გარდაიცვალა ჩამოდით სასწრაფოდ ნიკიფორე“.

— ა? არა, არა, — წავილულულე, ცრემლები სწრაფად გამიქრწენ თვალებიდან.

— როდის ასაფლავებენ? — არ მეშვებოდა ცოლი.

— ა? არა, ბებია არა, — წავილულულე, შენი ძმის დეპეშაა.

— მაშ, ვინ არის, ვინ?! — დეპეშა ხელიდან გამომგლაჯა, სულ-მოუთქმელად ჩაიკითხა და ისე იკივლა, ვიფიქრე, ნამდვილად ჭერფანჯრები ჩამოიქცევა-მეთქი...

სახლი მეზობლებით აივსო. მე ვიდექი ნაწილობრივ დამშვიდებული. რაღა დაგიმალოთ და, არც ბებიაშისის სიკვდილი გამხარებია, რადგან ვიცოდი, რა დიდ თანხას წარმართმევდა მისი დასაფლავება.

— ვაიმე, ვაიმე, როგორ უდროოდ დამელუბე! — გაპკიოდა კოლი.

— რამდენი წლის იყო? — შემეკითხა ერთი მეზობელი.

— სამოცდაათის.

— ჰო, მე უფრო ახალგაზრდა მეგონა...

საათნახევარს გაგრძელდა მისი მოთქმა-გოდება. ბოლოს ხმაც ჩაუწყდა და ძალაც გამოვლია, მეზობლები თითო-თითოდ გაიკრიფნენ ოთახიდან. კარგა ხანს იჯდა გაშტერებული. მიც გახევებული ვიდექი და ხმას არ ვიღებდი.

— რას გაშტერებულხარ?! სალაროში გაიქეცი და ათასი მანეთი გამოიტანე! — დამიღრიალა.

ხმაგაკმენდილი გამოვვარდი გარეთ და სალაროსკენ გავიქეცი.

ახლა მე და ჩემს მეუღლეს მატარებელი სოფლისაკენ მიგვაქროლებს. ბებიაშისის ქელეხის გადასახდელი ფული ზიბეში მიდევს, მაგრამ ფულს არ ვდარდობ, ერთი რამ მაწუნებს მხოლოდ: ჩემი კოლი ისე დაუზოგავად იგლეჯს თმებს, თუ ცოცხალი გადარჩა. ვიცი, გამელოტებას ვერ გადაურჩება...

ბიჭოცო ლეშავა

იან სმიტის რასიატული რევიმი მუდმივ სამხედრო დახმარებას იღება ისეთი „პარტნიორებისაგან“, როგორებიც არიან დიდი ბრიტანეთი, გერმანიის ფედერაციული რესპუბლიკა და ამერიკის შეერთებული შტატები.



ნ.ბ. ლომიძისა

იმპორტული ბანანი



წყალში გზივართ და წყალი გვენატრება! გვწერდნენ ბათუმიდან სარაჯიშვილის ქუჩის მცხოვრებნი. აღნიშნული წერილი რედაქციამ ბათუმის მშრომელთა დეპუტატების საქალაქო საბჭოს აღმასკომს გადაუგზავნა. აღმასკომმა გვიპასუხა: „...სარაჯიშვილის ქუჩის მცხოვრებთა კოლექტიურ განცხადებაში მოყვანილი ფაქტები, სასმელი წყლის ნაკლებობის შესახებ, — შემოწმებით დადასტურდა.“

აღმასკომის „წყალკანალტრესტს“ დაველა აღნიშნული ქუჩის წყალმომარაგების საკითხის მოსაგვარებლად მწლის პირველ კვარტალში გაიყვანოს ახალი მილსადენი“.

კასპის რაიონის სოფელ ქვემო ხანდაკიდან გვატყობინებდნენ: „...ყოველდღე გვიხდება ყოველდღიური მოთხოვნილების სურსათისა და საგნების ყიდვა. ჰოდა, ყოველდღიურად გვეშლება ნერვები, აქ შექმნილი უწყსარიგობის გამო.“ რედაქციამ წერილი საქ. კვ. კასპის რაიკომს გადაუგზავნა, საიდანაც პასუხი მივიღეთ: „...განცხადებაში მოყვანილი ფაქტები სოფელ ქვემო ხანდაკის ყოველდღიური მოთხოვნილების მაღაზიის გამგე-გამყიდველის (ე. გ. მეჩრევიშვილის არადამაკმაყოფილებელი მუშაობის შესახებ სინამდვილეს შეეფერება. იგი განთავისუფლებული იქნა დაკავებული თანამდებობიდან“.

შ. ს.

გაითხველოთ საუჩარხო!

რამდენი ხანია, ტაქსი არ გვხვდება ხართ? იჯავით? მაშინ უსათუოდ ნახავდით ასეთ განცხადებას:
„გზავრთა საუშრადღებოთ! გზავრთა კუთვნილი ხურდა ფულის მიღება წარმოავს თვით გზავრთა მიერ...“
 ..ნინაზი.. თავს იკავებს კომენტარისაგან და გაითხველებს ურჩევს, ზემოხსენებული განცხადებიდან აზრის გამოტანა იწარმოოს თვით გაითხველთა მიერ.

ტია-ტია

სამედიცინო ლექსიკონი


- ⊙ **ვალიდოლი** — გულის ჯიბეში თუ გიღვეს, გული საგულეშია.
- ⊙ **თერმომეტრი** — შენ სიცხე ზომ არა გაქვს?
- ⊙ **კოსმეტიკა** — სამედიცინო „შპაკ-ლიოკა“.
- ⊙ **ბრივი** — მოღსაავითაა: ზოგჯერ მთელ მსოფლიოს შემოივლის.

გიგლა ბახტაძე


ნ.ბ. ლოლუასი



— კაკალმა მისი იცის! მან რატომ რბამთ? — კაკალმა მისი მისი რაღა იქნება, გაჯარში კი-ლოგრაში თხუთმეტი მანეთი ღირს!



77-358



ჯოზეფის ფერის მემანისა

ნ. ბ. ლომიძისა

მთავარი რედაქტორი **ჯორჯან გემარჯიანი** სარედაქციო კომისია: **ზ. გომეზაძე** (მთ. რედ. მოადგილე), **ზ. კაციაშვილი**, **ჯ. ლოლუა**, **ბ. ლომიძე**, **ნ. მალაფონია** (მხატვ. რედ.), **ბ. ნიჟინაძე**, **ბ. სინარულიძე** (პ/მგ. მდივანი), **ბ. ფიცხალაძე**, **ო. ჯალიძე**.

⊙ ტექნიკური რედაქტორი **მ. კახალაძე**, ⊙ საბირისა და იუმორის შერეული „ნიანგი“. ⊙ თბილისი, რუსთაველის პროსპექტი № 42, საქართველოს კვ ცკ-ის გამომცემლობა, ⊙ გადაეცა ასაწყობად 22/IV-77 წ. ხელმოწერილი დასაბეჭდად 20/V-77 წ. ქაღალდის ზომა 70×1081/8 ფიზიკური ნაბეჭდი ფურცელი 2. სააღრიცხვო-საგამომცემლო თაბახი 1.7. ⊙ საქართველოს კვ ცკ-ის გამომცემლობის სტამბა, თბილისი, ლენინის ქ. 14. ⊙ შეკვ. 1444.შპ 00696 ტბრ. 141.000 ⊙ თბილისი, პრ. რუსთაველი № 42, სატირიკო-იუმორისტული ჟურნალი «ნიანგი». ⊙ Издательство ЦК КП Грузии. ⊙ Типография Издательства ЦК КП Грузии, Тбилиси, ул. Ленина № 14.

ტელეფონები: 99-76-69, 93-19-42, 93-10-78, 93-49-32. რედაქციაში შემოსული მასალები ავტორებს არ უბრუნდებათ.

ნახატი თემების ავტორები: **მ. აბაშიძე**, **მ. კუციანი**, **მ. მკედლოშვილი**, **მ. ცოტახიძე**, **ს. ჯაფარიძე**.

